

Այո՛, յանկարծ պատահած մահը ես ոչ թէ Աստուծոյ պատիժ եմ համարում, այլ Նորա ամենագեղեցիկ բարերարութիւններից մէկը: Դորա համար ես կըսպասեմ նորան ոչ իբրեւ մի թշնամու, այլ իբրեւ մի բարեկամի, որ գալիս է ինձ տեսնելու աստուածային հայրական տան աւելի մի գեղեցիկ բնակարանը: Մահը մեզ դարհուրեցնող դե չէ, այլ լուսոյ հրեշտակ. նա չէ քանդում, այլ շինումէ, չէ խաւարեցնում իբրեւ անմխիթար մութ գիշեր, այլ պայծառացնումէ յաւիտենական փառքի համար: — Անվրդով սրբտով կըսպասեմ ես իմ վերջին ժամիս. թող գայ, հասնի, երբ էլ, որ և ինչ կերպով էլ որ Աստուծոյ հաճոյ է: Բայց առաջուանից էլ կըպատրաստուեմ մահուան իմ կեանքիս ամեն մի օրը, որ Տէրը ինձ արթուն գտնի, երբ որ գալու լինի: Ինձ համար էլ ստիպողական լինի այն յորդորը թէ՛ յի՛ խնայէր զղբս—մի՛ յիշէր հիւանդանոցս: Այլ ոչ ոքիս չեմ, պարծառս ոչ, դէս մեզի մէջ ընկնել կարող եմ:

(Թաք. Գ.)

Գ. Ե. Ա.

Զ Ա Տ Ի Կ

Ղազարոսի յարութիւնը. Յիսուսի հանգիստը մուտքը Երուսաղէմ. Հրէից մեծամեծների նախանձը. Բաղարջակերք. Յիսուսի մատնութիւնը. Խաչը. Թաղումը եւ Յարութիւնը:

Մեծի պահոց ապաշխարութեան օրերից յետոյ՝ ինչպէս աշխարհը յարութիւն է առնում կենսաբեր գարնան գալով՝ ձմեռնային մեռելութիւնից, մարդիկ ևս ուրախանում ու զուարճանում են, որովհետեւ Յիսուսի Յարութեան Տօնը տօնելով, տօնում են և իւրանց յարութեան. որովհետեւ այս աշխարհային կեանքից յետոյ, մահուան ձմրան մէջ մի առժամանակ մնալով՝ յարութիւն առնելու են Յիսուսի թագաւորութեան մէջ յաւիտեան երջանիկ սպրելու համար՝ եթէ այդ կեանքին՝ այս աշխարհից պատրաստուել են առաքինի վարմունք ունենալով: Արարատի խմբագրութիւնը իւր ընթերցողին մեր ապագայ յարութեան առհաւատչեայ Յիսուսի Յարութիւնը շնորհաւորելով՝ իբրեւ մի պատշաճաւոր նուէր, առաջարկումէ կարգալ՝ Յիսուսի երկրաւոր կեանքի վերջին

օրերի այս նկարագիրը, որ քաղուածօրէն, գրեթէ բառացի կերպով հաւաքուած է չորս աւետարանիչների գրուածքից:

Երուսաղէմից 15 ասպարէզ հեռու Բեթանիայումը կար մի մարդ Ղազարոս անունով և ունէր երկու քոյր, մէկի անունը Մարիամ, միւսինը՝ Մարթա. Յիսուս Ղազարոսին սիրումէր իբրև իւր բարեկամին: Ղազարոսը հիւանդացաւ. երբ Յիսուսին յայտնեցին նորա հիւանդութիւնը, ասաց. այն հիւանդութիւնը մեռնելու համար չէ, այլ Աստուծոյ փառքի համար, որ Աստուծոյ Որդին նորանով փառաւորուի. և երկու օրուայ ճանապարհ հեռացաւ: Յիսուսի աշակերտները կարծումէին թէ, Նա Հրէաների ահից հեռացաւ, և երբ որ ասաց թէ, եկէք դարձեալ Հրէաստան գնանք, աշակերտները պատասխանեցին. « Վարդապետ, հէնց այժմ հրէանիւր քեզ կամենումէին քարկոծել և դու գարձեալ այնտեղ ես գնում » . Յիսուս ասաց. « Ով որ ցերեկով կերթայ, չի գայթակղուիլ, որովհետև աշխարհիս լոյսը տեսնումէ, բայց թէ որ մինը գիշերով գնայ կը գայթակղուի, որովհետև նորա հետ լոյս չըկայ » . այսինքն, բարի գործից վնաս չի գալ. իսկ վատ գործը ինքն արդէն վնաս է ու վնաս: Յիսուս յայտնելով որ Ղազարոսը մեռել է, ասաց. « Ես էլ ուրախ եմ ձեր համար, որ պէտք է հաւատաք ինձ. հիմա եկէք գնանք նորա մօտ » : Եւ նորա աշակերտներից Թովմասը իւր ընկերներին ասաց. դէ՛ եկէք մենք էլ գնանք ու նորա հետ մեռնենք: Յիսուս երբ վերադարձաւ Բեթանիա, Ղազարոսը չորս օրուայ թաղուած էր. Մարթան երբ որ լսեց թէ Յիսուս գալիս է, նորա առաջը դուրս եկաւ և ասաց. Տէր, եթէ այստեղ էիր եղել, եղբայրս չէր մեռնիլ, բայց այժմ էլ հաւատումեմ թէ, ինչ որ Աստուծուց խնդրես՝ Աստուած քեզ կըրտայ: Յիսուս ասաց. քո եղբայրը յարութիւն կառնի. Մարթան ատասխանեց. գիտեմ վերջին օրումը յարութիւն կառնի: Յիսուս ասաց, յարութիւնն ու կեանքը ես եմ. ով ինձ հաւատայ, թէպէտ և մեռնի, կապրի. և ամենը՝ որ կենդանի է և հաւատումէ ինձ, չի մեռնիլ յաւիտեան. սորան հաւատում ես: Մարթան պատասխանեց. այո՛ Տէր, ես հաւատացի թէ Աստուծոյ որդի Քրիստոսը դո՛ւ ես, որ պէտք է գալիր աշխարհ:

Յիսուս Ղազարոսի քոյր Մարթայի, Մարիամի և սոցա մխիթարելու համար եկած բազմաթիւ հրէաների հետ գնաց Ղազարոսի

գերեզմանը, և տեսնելով Մարիամի, Մարթայի և ներկայ եղողների սուգը՝ յուզուեց, և լաց եղաւ: Գերեզմանի մօտ Յիսուս ասաց. վերցրէ՛ք գերեզմանի քարը: Մարթան պատասխանեց, հիմա հոտած կըլինի, որովհետեւ չորս օրուայ է: Յիսուս ասաց. չէ՞ որ քեզ ասացի թէ, եթէ հաւատաս՝ Աստուծոյ փառքը կըտեսնես: Երբ որ քարը վեր կալան, Յիսուս աչքերը վեր բարձրացրեց և ասաց. Հայր, քեզանից շնորհակալ եմ որ ինձ լսեցիր. ես գիտէի որ ամեն ժամանակ ինձ լսումես, այս շուրջս եղած ժողովրդի համար եմ անում, որ հաւատան թէ դու ինձ ուղարկեցիր. յետոյ բարձր ձայնով աղաղակեց և ասաց. Ղազարէ, վեր կաց, դուրս եկ: Ղազարը վեր կացաւ, ձեռքերն ու ոտքերը կապած էին, երեսն էլ վարշամակով պատած: Յիսուս ասաց, արձակեցէ՛ք դորան և թողէ՛ք երթայ:

Հրէաներից շատերը, տեսնելով այս՝ հաւատացին Յիսուսին. և նոցանից ոմանք էլ գնացին փարիսեցիների մօտ և պատմեցին Յիսուսի արածը: Փարիսեցիներն ու քահանայապետները ատեան կազմեցին՝ կարծելով թէ ժողովուրդը Յիսուսին հաւատալով ու հետևելով նորան՝ թագաւոր կըհրատարակի ընդդէմ Հռովմայեցւոց, ասումեն. ինչ անենք, այն մարդը շատ հրաշքներ է գործում և շատերն էլ հաւատումեն նորան, կըգան Հոռոմները և կը քննեն մեր ազգն ու տաճարը:

Կայիափա քահանայապետը նոցա ասումէ. դուք ոչինչ չըգիտէ՛ք, և չէ՛ք էլ կարողանում մտածել թէ, լաւ է մեզ՝ որ մի մարդ մեռնի ժողովրդի համար և մեր բոլոր ազգը չըկորչի: Այս բանը Կայիափան մարգարէանալով ասաց, թէ Յիսուս ազգի համար մեռնելու էր, և ոչ թէ միայն ազգի համար, այլ որ կռապաշտութեան ու անօրէնութեան մէջ կորած Աստուծոյ որդիքը մէկ տեղ ժողովի:

Այն օրից սկսած քահանայապետներն ու Հրէից մեծամեծները խորհուրդ արին նորան սպանել. և Յիսուս չըկարողանալով այլ ևս համարձակ շրջել Հրէաների մէջ աշակերտների հետ, գնաց անապատի մօտ եղած Եփրայիմ քաղաքը:

— Յիսուս Յարութիւն և կեանք է. ապաւինենք նորան որչափ և մեղքի ու անօրէնութեան մէջ մեռած լինինք՝ նորան ջերմեռանդն սրտով և աղօթելով, մեր խղճի ազդամամբ կըլսենք նորա կեցուցիչ խօսքը և չորեքօրեայ թաղուած Ղազարոսի նման յարութիւն կառնենք մարգավայել կեանք վարելու համար:

Մօտեցաւ Զատիկի տօնը, եփրայիմ քաղաքից և շրջակայքից գնացին Երուսաղէմ, Զատիկի տօնին այնտեղ լինելու: Հրէից քահանայապետներն ու փարիսեցիները պատուէր էին տուել թէ, եթէ մինը իմանայ թէ ո՛ւր է Յիսուս, յայտնի, որ բռնեն. և շատերը միմեանց հարցնումէին թէ արդեօք Յիսուս տօնին Երուսաղէմ կը գա՞յ:

Յիսուս Զատիկից վեց օր առաջ նորից եկաւ Բեթանիա. Ղազարոսի յարութեան համբաւը տարածուել էր ամենայն տեղ, ամենայն ոք շտապումէր ո՛չ միայն Յիսուսին այլ և յարութիւն առած Ղազարոսին տեսնել. քահանայապետները խորհուրդ արին որ Ղազարոսին էլ սպանեն, որովհետեւ Հրէաներից շատերը գնում և հաւատում էին Յիսուսին:

Տօնի համար Երուսաղէմ հաւաքուած ժողովուրդը երբոր լսեց թէ Յիսուս Երուսաղէմ է գալիս, արմաւենու ոստեր առած նորա առաջը դուրս եկան, աղաղակում էին ու ասում. Խորայէլի օրհնուած Թագաւոր, որ տիրոջ անունով գալիս ես, ովսանա: Յիսուս էջի վերայ հեծած փառաւոր հանդիսով մտաւ Երուսաղէմ: Այս հանդիսաւոր մուտքի ժամանակ, մի քանիսը այնտեղ գտնուած հեթանոսներից՝ Յիսուսի աշակերտ Փիլիպպոսին ասացին որ՝ կամենում են Յիսուսին տեսնել. Փիլիպպոսն ու Անդրէասը յայտնեցին Յիսուսին, որ պատասխան տուեց նոցա և ասաց. հասաւ ժամանակը, որ փառաւորուի մարդու որդին:

Յիսուս ժողովրդեան աղաղակով Երուսաղէմի տաճարը մտնելուց յետոյ, արտաքսեց ամենքին՝ որոնք տաճարում վաճառում, գրնում էին. հատալաճառների և աղաւնեւաճառների սեղանները կործանեց, և ասաց. գրուած է, իմ տունը աղօթքի տուն կոչուի և դուք դորան աւաղակների այր շինեցիք: — Եւ արդարեւ, տաճարը որ Աստուծոյ տուն լինելով՝ միմիայն աղօթքի համար պէտք էր պիտոյանար Հրէից. քահանայապետները դպիրներն ու փարիսեցիները իրանց կրօնի էական մասերը զանց անելով, միայն ծէսերի, ծերբերի աւանդութեանց և իրանց շահերին էին ծառայացնում, Աստուծոյ տունը վաճառքի հրապարակ դարձնելով:

Յիսուս Տաճարի մէջ բժշկեց կաղերին և կոյրերին. քահանայապետներն ու դպիրները տեսնելով այս հրաշքները, և մանուկների աղաղակը, որ տաճարի մէջ գոչումէին. Դաւթի որդուն օրհնութիւն, — բարկացան, ու ասացին նորան. լս՛ումես թէ ինչ են ա-

սում գողթա՝ Յիսուս պատասխանեց՝ դուք չէ՞ք կարդացել թէ՛ մանուկների և կաթնակեր տղաների բերանով կատարեցիր օրհնութիւնը, և նոցա Տաճարում թողնելով, գնաց Բեթանիա և զիշերը այնտեղ անցկացրեց:

— Մեր պատմութեան համեմատ Յիսուսի Երուսաղէմ գնալու ժամանակ նորան տեսնել կամեցող հեթանոսները մեր Արքար թագաւորի գեսպաններն էին, որոնք Արքար թագաւորի հրամանով և թղթով ներկայանալով Յիսուսին, խնդրումէին, որ զայն Արքարի հիւանդութիւնը բժշկի, իսկ եթէ չըզար, պէտքէ նորա պատկերը նկարէին ու բերէին: Արքար թագաւորը հեռուից, առանց տեսնելու, միայն լսելով Յիսուսի քարոզների և հրաշագործութիւնների համբաւը, հաւատացել էր որ նա կամ Աստուած է կամ Աստուծոյ որդի: Յիսուս թէև միջոց չունեցաւ Արքարի մօտ գնալու, բայց մի թուղթ գրել տուեց, ուր երանի է տալիս այն մարդուն, որ չքոտեսած հաւատումէ: Խոստացաւ իւր համարձումից յետոյ ուղարկել իւր աշակերտներից մէկին Արքարին բժշկելու: Յիսուս տեսնելով որ պատկերահանը աշխատումէ և չի կարողանում նկարել իւր պատկերը, առաւ պատժառ, դրեց իւր երեսի վերայ և այսպէս իւր պատկերը տպաւորուեց պատժառի վերայ: Այս պատկերը, որ կոչվումէ անձեռագործ պատկեր կամ Դատառակ, Արքար թագաւորը սիրով ընդունեց և երկար ժամանակ մնումէր Եղեսիայի եկեղեցում:

— Երբ մենք ծաղկաղարզին կանաչ ոտեր ձեռքներիս բռնած ուխաննա ենք կանչում, պէտքէ մտածենք թէ՛, Նա մեր հոգու և սրտի վերայ պէտք է թագաւորէ՝ եթէ նորան ընդունելու հարկաւոր պատրաստութիւնը տեսել ենք, մեր խղճի ազգմանը մոիկ անելով, մաքրել ենք մեք ներքինը և զարդարել ենք մեր սիրտն ու հոգին առաքինութեամբ և մարդավայել գործերով ու մտածողութեամբ:

Հրէից մեծամեծների տառապանքները հետզհետէ սաստկանումէր և կամենումէին Յիսուսին անպատճառ սպանել, և պատճառներ էին որոնում նորան յանցաւոր դուրս բերելու. փարիսեցիները Հերովդէս թագաւորի մարդկանց հետ իրանց աշակերտներին ուղարկեցին Յիսուսի մօտ, նորան որոգայթի մէջ ձգելու համար խօսքեր տեսլ տալու: Այդ մարդիկը Յիսուսին ասացին. «Արդապետ,

գիտենք որ ճշմարիտ ես, ոչ մէկից էլ քաշվում չես և կեղծաւորութիւն էլ չես անում. հիմա մեզ ասա, կայսեր հարկ տալ պէ՞տք է թէ ոչ», Յիսուս նոցա խորամանկութիւնը իմացաւ և ասաց. «Ինձ ինչի՞ էք հարցնում, կեղծաւորներ, հարկի դրամը ինձ ցոյց տուէք. նոքա մի դրամ տուին. Յիսուս հարցրեց. ո՞ւմն է այս պատկերը կամ գիրը. ասումեն, կայսրինը. այն ժամանակ ասումէ նոցա. գնացէք, կայսրինը կայսրին տուէք, և Աստուծունը՝ Աստուծուն» : Երբ որ լսեցին, զարմացան թողին ու գնացին :

Յիսուս Հրէից մեծամեծների նարստակաւոր հարցմունքներին պատասխան տալուց ու նոցա պապանձեցնելուց յետոյ, սկսեց քարոզել իւր աշակերտներին և ժողովրդին ու ասել. «Մովսէսի արժուի վերայ նստեցին դպիրներն ու փարիսեցիք. ինչ որ կասեն ձեզ՝ արէ՛ք և պահեցէ՛ք. բայց նոցա գործերին մի նայէ՛ք. ծանր և դժուարակիր բեռներ են կապում ու դնում մարդկանց ուրի վերայ և իրանց մատներովն անգամ չեն կամենում շարժել : Եւ խօսքը ուղղելով դէպի կեղծաւոր դպիրներն ու փարիսեցիները, ասաց.

Վա՛յ ձեզ, կեղծաւոր դպիրներ և փարիսեցիներ. երկնքի արքայութիւնը մարդկանց առաջ փակումէք. դուք չէք մտնում, և որոնք կամենում են մտնել, թող չէք տալիս մտնել : Վա՛յ ձեզ, կեղծաւոր դպիրներ և փարիսեցիներ, որ ծով ու ցամաք մանէ՛ք գալիս որ մէկին որսաք, և երբ որ յաջողումէ ձեզ այդ, ձեզանից կրկին անգամ աւելի գեհննի որդի էք դարձնում նորան» : Եւ կեղծաւոր փարիսեցիների ու դպիրների բոլոր անօրէնութիւնները նոցա երեսովը տալուց յետոյ իւր խօսքը Հրէաներին և նոցա Երուսաղէմ՝ քաղաքին ուղղելով ասաց. «Երուսաղէմ՝ Երուսաղէմ, որ մարգարէներին կոտորում էիր, և քեզ զգաստացնողներին քարկոծում, քանի քանի անգամ կամեցայ քո մանուկներին ժողովել՝ ինչպէս հաւը իւր ձագերին իւր թեւերի տակն է ժողովում՝ բայց չըկամեցաք. ահա ձեր տունը ձեզ աւերակ թողուած լինի. այսուհետեւ էլ չէք տեսնիլ ինձ մինչև ասէք Տիրոջ անունով եկածը օրհնուած լինի» :

Յիսուսի աշակերտներից Յուդան, երբ որ տեսաւ թէ Հրէից մեծամեծները կամենում են Յիսուսին բռնել և սպանել, նորանից առաւ երեսուն դահեկան և խոստացաւ մատնել. աշակերտները այս բանը չէին իմանում. բայց Յիսուս իւր Աստուածային իմաստութեամբ գիտէր. ուստի Բաղարջակերաց օրը՝ երեկոյեանը երբ Յիսուս տաս-

Ներկու աշակերտների հետ նստած էր, և ընթրիք էին անում, ասաց. Ձեզանից մինը ինձ պէտքէ մատնի. աշակերտները շատ տրտմեցին, և սկսեցին մի մի հարցնել, միթէ ես կրլինիմ: Յիսուս պատասխան տուեց. ով որ ինձ հետ ուտումէ և ձեռքը ինձ հետ սկաւառակը տարաւ, նա է: Մարդոյ որդին, ինչպէս իւր համար գրուած է, պէտք է գնայ. բայց վա՛յ այն մարդուն, որի ձեռքով պէտք էր նա մատնուի, լաւ է որ նա ծնուած չլինէր: Երբ որ Յուդան էլ ասաց, միթէ ես կրլինիմ: Յիսուս պատասխանեց դու ասացիր: Ընթրիքի ժամանակ Յիսուս առաւ հաց, օրհնեց, կտրեց և տուեց աշակերտներին ու ասաց. «Առէ՛ք կերայք, այս է մարմին իմ» . (առէ՛ք կերէ՛ք, այս է իմ մարմինը) . առաւ բաժակ գոհացաւ տուեց նոցա և ասաց. «Արե՛ք ի դմանէ ամենեքին, զի այդ է արիւն իմ նորոյ ուխտի, որ ի վերայ բազմաց հեղու ի թողութիւն մեզաց» . (խմեցէ՛ք դորանից ամենքդ, որովհետեւ այդ՝ նոր ուխտի*) իմ արիւնն է. որ շատերի աղագաւ թափվումէ մեղքի թողութեան համար): Երբ աշակերտները սկսեցին վիճել թէ՛ նոցանից ով մեծ կրլինի. Յիսուս խոնարհութեան օրինակ տալու համար վար դրեց իւր զգեստը զենջակ կապեց, կոնքի մէջ ջուր լցրեց և աշակերտներին ոտքերը լուալուց ու զենջակովը սրբելուց յետոյ, նորից իւր զգեստը հագաւ նստեց ու ասաց. գիտէ՛ք ձեր համար ինչ արի. դուք ինձ վարդապետ և տէր էք կոչում և լաւ էք անում, որովհետեւ իսկը եմ. հիմա, ես որ տէր և վարդապետ եմ, ձեր ոտքերը լուացի, դուք էլ պարտաւոր էք միմեանց ոտք լուանալ:

Յիսուս այս խոնարհութեան դասն էլ աշակերտներին տալուց յետոյ, Յուդային ասաց. հիմա ինչ որ անելու ես արա. աշակերտները կարծեցին թէ, որովհետեւ գրամները Յուդայի մօտն է, Յիսուս պատուիրեց Ձատկի տօնի համար պատրաստութիւններ տեսնել կամ աղքատներին ողորմութիւն տալ: Երբ Յուդան դուրս

(*) Հին ուխտի արիւնը բաղարջակերաց տարեւոր գառան արիւնն էր. այդ ուխտը Մովսէս Իսրայելացիներին աւանդեց նոցա Եգիպտոսից դուրս գալու ժամանակ, պատուիրելով, որ նախքան դուրս գալը ի յիշատակ եգիպտական ծառայութիւնից և սատակիչ հրեշտակի կոտորածից ազատութեան՝ մորթեն մի տարեկան արու ոչխար, արիւնը բարաւորների վերայ դրոշմեն, իսկ միսը ամբողջ առանց կոտորելու խորովեն և պատրաստի, ոտքի վերայ ուտեն և ճանապարհ ընկնեն:

գնաց, Յիսուս ասաց. Այժմ փառաւորուեց մարդոյ որդին, և Աստուած նորանով փառաւորուեց. իմ որդիներ, մի փոքր ժամանակ ձեզ հետ եմ, կորոնէք ինձ և չէք գտնիլ. ինչպէս հրէաներին ասացի, այժմ էլ ձեզ եմ ասում, թէ ուր որ ես գնում եմ, դուք չէք կարող գտլ. Նոր պատուիրան եմ տալիս ձեզ, որ միմեանց սիրէք, ինչպէս ես ձեզ սիրեցի. Ձեր միմեանց սիրելովը կիմանան որ իմ աշակերտներ էք. Պետրոսը երբ որ ասաց. Տէր ո՛ւր պէտքէ գնաս որ չըկարողանամ գալ քո ետեւից, որ արդէն իմ անձս դրել եմ քո սիրուն, — Յիսուս պատասխան տուեց. քո անձն դրել ես իմ սիրուն. ճշմարիտն եմ ասում, (այս գիշեր) զեռ հաւը չի խօսած, դու երեք անգամ կուրանաս ինձ:

Յիսուս ընթրիքից յետոյ աշակերտների հետ գնաց Ձիթենեաց յեռւր, յետոյ Պեթսեմանի ձորը, այնտեղ թողնելով աշակերտներին՝ ասաց. Նստեցէք այդտեղ մինչև գնամ աղօթք անեմ. հետոն առաւ Պետրոսին և Ձերեթիայի երկու որդւոյը — Յովհաննէսին ու Յակովբոսին, սկսեց տրտմել ու հոգալ. և ասաց, հոգիս մահու չափ տրտում է. այստեղ կացէք և հսկեցէք. մի փոքր հեռանալով, երեսի վերայ ընկաւ, աղօթքի կացաւ և ասաց. իմ Հայր, եթէ հնարաւոր է, (տրտմութեան) այս բաժակը թող սնցնի, բայց ոչ թէ ինչպէս ես եմ կամենում, այլ ինչպէս Դու կրկամենաս: Դարձաւ տեսաւ որ աշակերտները քնած են, ասաց. այդպէս մի ժամ էլ չըկարողացաք արթուն կենալ. արթո՛ւն կացէք, աղօթք արէք որ փորձութեան մէջ չընկնիք. երեք անգամ Յիսուս աղօթքից յետ դառնալով և աշակերտներին քնած տեսնելով ասաց. ննջեցէք այսուհետև և հանգստացէք: Մարդոյ Որդու մատնուելու ժամանակը հասել է. եկէք այստեղից գնանք, որովհետև մատնողը մօտացել է: Երբ Յիսուս այս բաներն էր խօսում, ահա Յուդան և նորա հետ ամբոխը սրբրով և բրբրով. մօտեցաւ Յիսուսին ասաց. ողջոյն, Վարդապետ, և համբուրեց. որովհետև ասել էր թէ ո՛ւր որ համբուրի՝ նա է Յիսուսը, նորան բռնեն, Յիսուս պատասխան տուեց. Յուդա, համբուրելով ես մատնում ինձ: Բռնեցին Յիսուսին և տարան Աննա քահանայապետի տունը, Յիսուսին հեռուից հետևումէին Պետրոսը և Յովհաննէսը. որովհետև Յովհաննէսը քահանայապետին ծանօթ էր, մտաւ գաւիթը, իսկ Պետրոսը մնաց դուռը. և երբ Յովհաննէսի խնդրանքով ներս ընդունուեց, և դռնապան աղջիկը հարցրեց, միթէ դու

էլ այն մարդու (Յիսուսի) աշակերտներինքն ես. նա ասաց՝ չեմ. Պետրոսին հետզհետէ երեք անգամ հարցրին, և նա երեք անգամն էլ ուրացաւ իւր Յիսուսի աշակերտ լինելը: Յիսուս դարձաւ մօտիկ արեց Պետրոսին և յիշեց մինչև հաւի խօսիլը երեք անգամ ուրանալու խօսքը. Պետրոսը զղջաց. դուրս եկաւ գաւթից և սկսեց դառն արտասուել:

Մարգիկը, որոնց յանձնուած էր Յիսուս պահելու համար, ծիծաղումէին նորա վերայ, զարնումէին, երեսը ծածկելով տանջումէին ու ասում. մարգարէացիը թէ, ով էր որ քեզ խփումէ, և շատ նախատական ու հայհոյութեան խօսքեր էին ասում:

Լոյսը բացուելուն պէս, Հրէից ծերերը, քահանայապետներն ու գալիւններն ատեան կազմեցին և Յիսուսին հարցրին. « եթէ դու ես Քրիստոսը, մեզ ասա »: Յիսուս պատասխան տուեց. եթէ ասեմ, չէք հաւատալ. եթէ ձեզ բան հարցնեմ, պատասխան չէք տալ կամ չէք արձակիլ: Բայց այսուհետև Մարգոյ Որդին կընտրի Հօր Աստուծոյ աջ կողմը: Ամենքը միասին ասումեն, ուրեմն Աստուծոյ որդին դո՛ւ ես. Յիսուս պատասխան տուեց, դո՛ւք էք ասում որ ես եմ: Նոքա ասացին. մեզ էլ ինչ վկայութիւն է հարկաւոր. մենք արդէն իսկ մեր ականջով լսեցինք դորա բերանից: Եւ Յիսուսին քահանայապետի մօտից տարան Պիղատոսի մօտ. որովհետև հրէաները Չատիկ պէտքէ անէին, չքմտան Պիղատոսի ապարանքը. ինքն Պիղատոսը դուրս եկաւ և ասաց. ինչ չարախօսութիւն ունէք այս մարդու մասին, նոքա պատասխանեցին. եթէ չարագործ չըլինէր չէինք բերիլ քեզ մօտ: Պիղատոս ասաց. ձեր օրէնքով դատեցէք դորան: Հրէայք պատասխանեցին. մեզ արժան չէ որ մարդ սպանենք. Պիղատոս ներս գնաց իւր ապարանքը և Յիսուսին իւր մօտ կանչելով ասաց. Հրէաների թագաւորը դո՛ւ ես. Յիսուս պատասխան տուեց. դո՛ւ ես ասում, թէ ուրիշներն են ասել քեզ իմ մասին: Պիղատոսը ասաց. միթէ ես հրէայ եմ. քո ազգն ու քահանայապետները մատնեցին քեզ ինձ մօտ. ինչ ես արել: Յիսուս պատասխանեց. իմ թագաւորութիւնը այս աշխարհից չէ. եթէ այս աշխարհից լինէր, իհարկէ իմ սպասաւորները կրկուռէին, որ Հրէաներից չքմատնուեմ. բայց հիմա իմ թագաւորութիւնը այս աշխարհից չէ: Ուրեմն դու մի թագաւոր մարդ ես. Յիսուս պատասխան տուեց. դո՛ւ ես ասում որ թագաւոր եմ. այդ բանի հա-

մար էլ ծնուել եմ, և դորա համար էլ աշխարհ եմ եկել, որ ճշմարտութեան համար վկայեմ. ուր որ ճշմարիտ է կրլսի իմ՝ խօսքը: Պիղատոսը Յիսուսին այսպէս հարցուիորձ անելուց յետոյ ոչինչ չըգտնելով՝ դուրս եկաւ հրէաների մօտ և ասաց. ես նորա մէջ մի պատճառ չեմ գտնում. ձեր սովորութեան համեմատ Զատիկի տօնին բանտարկեալներից մէկը պէտքէ արձակեմ. կրկամենա՞ք որ Յիսուսին — հրէաների թագաւորին — արձակեմ: Հրէաները միաբերան գոչեցին դորան ոչ, այլ Բարաբբային. իսկ Բարաբբան մի աւազակ էր: Այն ժամանակ Պիղատոս բռնեց Յիսուսին և գանակոծ արեց. իսկ ղինուորները փշից պսակ շինեցին և ղրին նորա գլխին և ծիրանի հագցրին. մօտ էին գալիս և, ապրած կաց, հրէաների թագաւոր ասելով՝ ապտակ էին խփում: Երբ որ Պիղատոս նորից դուրս եկաւ և հրէաներին ասաց թէ Յիսուս յանցաւոր չէ. քահանայապետներն ու սպասաւորները աղաղակեցին. խաչիր, խաչիր դորան: Ասաց Պիղատոս, առէ՛ք և դուք խաչեցէ՛ք. որովհետեւ ես դորա մէջ մի յանցանք չեմ գտնում. հրէաները պատասխան տուին. մենք օրէնք ունինք, և մեր օրէնքին համեմատ պէտքէ մեռնի, որովհետեւ ինքն իրան Աստուծոյ որդի է անուանում:

Պիղատոս կամենում էր արձակել Յիսուսին մահաւանդ այն պատճառով, որ նորա կինը երազ տեսած լինելով Յիսուսի մասին՝ թախանձում էր արձակել նորան: Պիղատոս նորից իւր մօտ կանչեց Յիսուսին և ասաց. որ տեղացի ես: Յիսուս պատասխան չրոտեց. իմ հետ չե՞ս խօսում, ասաց Պիղատոսը. չե՞ս իմանում որ, իշխանութիւն ունիմ քեզ խաչելու և աղատ թողնելու: Յիսուս պատասխան տուեց. գու իմ վերայ իշխանութիւն չէիր ունենալ, եթէ վերեւից տրուած չլլինէր քեզ: Ինձ՝ քեզ մօտ մատնողինն է մեղքը: — Որքան հնարքներ էր փնդում Պիղատոս Յիսուսին ազատելու, հրէաները այնքան պնդում էին և Յիսուսին որպէս Հռովմայեցւոց կայսրութեան ազստամբ թագաւորել ձգտող քաղաքական յանցաւոր ներկայացնելով, աղաղակում էին դէպի Պիղատոս. եթէ գորան արձակես, կայսեր բարեկամ չես. որովհետեւ ուր իրան թագաւոր է անուանում, կայսրին հակառակ է:

Պիղատոս վախենալով այս սպառնալիքից. Զատիկի Ուրբաթ օրը, վեցերորդ ժամին ատեան գալով, հրէաներին ասաց. ահա ձեր թագաւորը ձեզ: Հրէաները աղաղակեցին. հեռացրու մեզանից,

հեռացրու և խաչիր: Պիղատոսն ասաց, ես, ձեր թագաւորը խաչեմ: Քահանայապետները պատասխան տուին. մենք բացի կայսրից՝ թագաւոր չունենք: Այն ժամանակ Պիղատոս յանձնեց Յիսուսին Հրէաներին՝ որ խաչեն:

— Նախանձն ու ատելութիւնը, փակելով մարդու բանականութեան և խղճի աչքերը, արդար անմեղն համեմատելով աւագակի հետ՝ դատապարտում են արդար անմեղին: Այսպէս վարուեցին հրէները Յիսուսի և Բարաբբայի վերաբերութեամբ, պահանջելով՝ ազատ, արդար Յիսուսին խաչել, իսկ աւագակ բանտարկեալ Բարաբբային ազատել: Այսպէս են մարդիկ, երբ տեսնում են որ մի անմեղի արդար գործը, առաքինի վարքը դատապարտում են՝ իրանց չար գործը և անօրէն վարմունքը, հնարք են որոնում՝ արդարին կորցնելու, որ իրանց չարութիւնը չըյանդիմանուի: Դժբա Բարաբբայի ընկերներն են և մասն չունին Յիսուսի հետ:

Յիսուս հրէաների ձեռքը յանձնուելուց յետոյ, ինքն անձամբ իւր խաչը ուսին դրած տանում էր դատապարտութեան տեղը, և տեսնելով որ իրան ետեւից գնացող բազմութեան միջից կանայք լաց ու կոծ են անում, դարձաւ դէպի նոցա և ասաց, Յրուսաղէմի աղջիկներ, իմ վերայ լաց մի լինիք. այլ ձեր և ձեր որդւոց վերայ լաց եղէք. որոնք, կրգայ օր, որ կասեն, երանի ամուսնւորին և անպտուղ արգանդներին՝ ուրոնք չըծնան, և ստիճաններին՝ որոնք երեխաներ չըղիւցորին. այն ժամանակ կրսկսեն ասել լեռներին թէ ընկէք մեր վերայ, և բլուրներին՝ թէ ծածկեցէք մեզ. եթէ դալար փայտին այս են անում, չորն ի՞նչ կըլինի: Յիսուս խաչը ուսին բարձրացաւ Գողգոթա. խաչի վերայ թափելով իւր արիւնը, մարդկութիւնը փրկեց, կտակելով նորան աւետարանն ու երկնից արքայութիւնը: Յիսուսին Գողգոթայի վերայ խաչեցին. աջ և ձախ կողմերը խաչուած էին մի մի աւագակ, և որովհետեւ սովորութիւն էր որ խաչի ճակատին գրումէին դատապարտեալի յանցանքը, Յիսուսի խաչի վերայ Պիղատոս Երրայեցերէն, Գաղմատերէն և Յունարէն գրել էր տուել. «Յիսուս Նազորեցի՝ թագաւոր Հրէից»: Զինուորները Յիսուսի հանդերձները չորս մասն բաժանեցին, իսկ պատմութեան վերայ, որովհետեւ անկար էր, չրկամեցան պատառել, վիճակ ձգեցին:

Յիսուս խաչի վերայ իւր խաչողների ու նախատողների համար ազօթումէր և ասում. Հայր, ներիր սոցա, որովհետեւ չեն իմանում ինչ են անում: Հրէից իշխանները անարգումէին Նորան և ծաղրելով ասում. ուրիշներին կեանք տուեց, թող իրան ապրեցնի՝ եթէ դա է Քրիստոսն Աստուծոյ ընտրեալ որդին: Զինուորներն էլ ծաղր էին անում, և առաջ գալով քայախ էին մօտեցնում ու ասում. եթէ Հրէից թագաւորը դու ես, քո անձը փրկիր: Յիսուսի հետ խաչուած ձախակողմեան աւազակն էլ հայհոյումէր և հեգնելով ասում. չէ՞ որ դու ես Քրիստոսը, փրկիր քո անձը և մեզ: Աջակողմեան աւազակը բաստեց Նորան և ասաց. չե՞ս վախենում Աստուծուց, որ Նոյն պատժի մէջն էլ ես. մենք, յիրաւի, մեր չար գործերին արժանի հատուցումն ստացանք. և սա մի վատ բան չէ արել. և ասաց Յիսուսին. Տէր, ինձ յիշիր, երբ որ Քո թագաւորութեամբ գաս: Յիսուս պատասխան տուեց. ճշմարիտն եմ ասում, այսօր ինձ հետ դրախտում կըլինիս:

Յիսուսի խաչի տակը կանգնած էին Յիսուսի մայրը, և Նորա մօրաքոյրը, Մարիամ Կղէովպան և Մարիամ Մագթաղենային. Յիսուս երբ որ տեսաւ մօրն ու իւր սիրելի Յովհաննէս աշակերտին՝ ասաց մօրը. կին դու, ահա քո որդին. Յովհաննէսն էլ ասաց. ահա քո մայրը: Եւ այն օրից Յովհաննէսը Մարիամ աստուածամօրը առաւ իւր մօտ: Յիսուս երբ տեսաւ հայրակամ տնօրէնութիւնները բոլորը կատարուել են, և ինքն ևս իւր որդիական պարտքը կատարելով՝ իւր մօրը յանձնեց Յովհաննիսի խնամոցը, ասաց. Աստուած իմ, Աստուած իմ, ինչո՞ւ ես բացի թողի արել ինձ: Վեցերորդ ժամից մինչեւ իններորդ ժամը երկիրը մթնեց և արեգակը խաւարեց, Տաճարի վարագոյրը պատռուեց, երկիրը շարժուեց, Յիսուս բարձրաձայն, Հայր, իմ հոգին քո ձեռքն եմ աւանդում, ասելով՝ հոգին աւանդեց: Հարիւրապետը, որ այնտեղ կանգնած էր տեսնելով այս ամենը, Աստուծոյ անունը փառաւորեց ու ասաց. արդարեւ, այս մարդը արդար էր, և այնտեղ գտնուած ժողովուրդը, բաղխումէին իրանց կուրծքը: Որովհետեւ օրը ուրբաթ էր, որպէս զի մարմինները շաբաթ օրը խաչի վերայ չըմնային, Հրէաները Պիղատոսին խնդրեցին, շուտով մեռցնելու համար խաչուածների բարձերը փշրել, որ շուտով թաղեն. Պիղատոսն էլ հրաման տուեց. զինուորները երկու աւազակների բարձերը փշրեցին, բայց երբ Յիսուսի մօտ եկան, տեսան որ նա արդէն մեռել է. միայն

զինուորներից մինը իւր գեղարդով խոցեց Յիսուսի կողը և արիւն ու քուր դուրս եկաւ:

Յոյսէփ Արեմաթացին, որ հրէաներից ծածուկ աշակերտումէր Յիսուսին, խնդրեց Պիղատոսից Յիսուսի մարմինը և Նիկողիմասի հետ միասին Հրէից օրէնքին համեմատ կտաւով և խնկերով պատեցին, թաղեցին մի նորափոր գերեզմանի մէջ, և մի մեծ քար էլ գերեզմանի վերայ դրին. այնտեղ էին Մարիամ Մագթաղենացին և այլ կանայք:

Հետեւեալ օրը Հրէից քահանայապետներն ու փարիսեցիները եկան Պիղատոսի մօտ և ասացին. Տէր, մտաբերումենք որ այն մոլորեցուցիչը (Յիսուս) մինչ դեռ կենդանի էր, ասումէր թէ երեք օրից յետոյ յարութիւն կառնեմ: Հիմա, հրամայիր գերեզմանի վերայ հսկողութիւն լինի մինչև երեք օր. գուցէ աշակերտները գիշերը գան ու գողանան և ասեն ժողովրդին թէ յարութիւն առաւ. և յետին մոլորութիւնը առաջինից վատ լինի: Պիղատոս իրաւունք տուեց, և նոքա գերեզմանի վերայ պահապաններ դրին և վէմը զօրականների ներկայութեամբ կնքեցին:

Շաբաթ երեկոյեանը, Մարիամ Մագթաղենացին և այլ կանայք եկան Յիսուսի գերեզմանը տեսնելու: Եւ ահա մեծ շարժում եղաւ. որովհետև Տիրոջ հրեշտակը երկնքից իջնելով, գերեզմանի քարը հեռու գլորեց և նստեց նորա վերայ. հրեշտակը փայլակի նման էր, իսկ նորա հանդերձը, ինչպէս ձիւն: Հրեշտակի ահից սպառապանները շփոթուեցին և մեռեալի նման վայր ընկան: Հրեշտակը կանանց ասաց. գուք մի վախենաք. զիտեմ, խաշուած Յիսուսին էք փնդում, այստեղ չէ, որովհետև յարութիւն առաւ: Եկէք, նորա եղած տեղը տեսէք. և շուտով գնացէք նորա աշակերտներին ասացէք, թէ յարութիւն առաւ. և ձեզանից առաջ՝ Գալիլիայում կրկին, այնտեղ նորան կրտսնէք:

Եւ երբ որ կանայքը գերեզմանը տեսնելուց յետոյ մեծ ուրախութեամբ գնումէին, Յիսուս նոցա պատահեց և ասաց. ողջ էք, նոքա էլ մօտեցան Յիսուսին և երկրպագութիւն տուին: Յիսուս ասաց. մի վախենաք, գնացէք իմ եղբայրներին ասա-

յէք, որ Գալիլիա գնան և այնտեղ ինձ տեսնեն: Իսկ տասն և մէկ աշակերտները գնումեն Գալիլիա այն լեռուր, ուր ժամագիր էր եղել Յիսուս. երբ որ տեսան Յիսուսին երկրպագութիւն արին իսկ ոմանք տարակուսութեան մէջ ընկան: Յիսուս նոցա ասաց. երկնքի և երկրի մէջ ամեն իշխանութիւն ինձ տրուեց. ինչպէս Հայրը ինձ ուղարկեց. ես էլ ձեզ եմ ուղարկում. գնացէք բոլոր հեթանոսներին քարոզեցէք, նոցա մկրտեցէք. Հօր, Որդւոյ և Ս. Հոգւոյ անունով. սորվեցրէք այն ամենը, ինչ որ ձեզ պատուիրեցի, և ահաւասիկ ես ձեզ հետ եմ մինչև աշխարհի վերջը:

Երբ Յիսուս յարութիւն առաւ, և ուշաթափ եղած զօրականները սթափուեցին, ոմանք գնացին քաղաք և այս ամենը պատմեցին: Քահանայապետներն ու ծերերը խորհուրդ արին և զօրականներին շատ արծաթ տուին ու առացին. կասէք սր գիշերը, երբ մենք քնած էինք, աշակերտները եկան գողացան, և թէ խօսքը դատաւորին հասնի, մենք նորա կամքը կ'առնենք: Եւ նոքա արծաթն առնելով այնպէս արին, ինչպէս սովորել էին. և այս համբաւը հրէաներից դուրս եկաւ՝ մինչև այսօր:

Հրէաները իրանց քահանայապետների ու մեծամեծների հնարագիտութեամբ մոլորուած՝ համարումեն թէ Յիսուսի աշակերտները գիշերը գողացան Յիսուսի մարմինը. մենք հաւատումենք որ Յիսուս յարութիւն առաւ և իւր առաքեալներին երևալուց յետոյ պատուիրեց բոլոր հեթանոսներին քարոզեն ու մկրտեն, խոստանալով մինչև աշխարհիս վախճանը իւր հաւատացեալների հետ լինել. բայց ի՞նչ եղաւ Յուդան:

Յուդան տեսնելով որ Յիսուս դատապարտուեց, զղջաց. — ստացած արծաթը դարձրեց քահանայապետներին ու ժողովրդեան ծերերին և ասաց. մեղանչեցի, որ արդար արիւնը մատնեցի. նոքա էլ ասացին մեզ փոյթ չէ. դու գիտես: Յուդան արծաթը տաճարի մէջ ձգեց գնաց և խեղդուեց:

— Չար է զրպարտութիւնը, չար է դաւաճանութիւնը, և բարոյապէս ու նիւթապէս սպանումէ զրպարտեալին և դաւաճանուածին. բայց երբ ճշմարտութիւնը յայտնվումէ, այն ժամանակ զրպարտութեամբ մեռեալը յարութիւն է առնում, իսկ զրպարտիչն ու մատնիչը Յուդայի պէս յուսահատութիւնից խեղդվումէ:

Յիսուսի պէս աղօթենք մեզ դաւաճանողների համար, աղաչելով որ Աստուած ներէ նոցա զիղջ տալով, վասն զի չեն իմանում ինչ են գործում:

Նորհաւոր Յարութիւն Քրիստոսի. Քրիստոս յարեալ ի մեռելոց, առաջին պտուղն յարութեան ննջեցելոց:

ԲԱՆԱՍԻՐԱԿԱՆ

ՄՏԱԻՈՐԱԿԱՆ ԿԵԱՆՔԻ ԿԵՆՏՐՈՆԵՐԸ *)

ՓԱՐԻԶ.

ԳԼՈՒԽ Ա.

Ընդհանուր նախադիտելիք. — Չորդական. կենտրոնացուցիչ զօրութիւնը փարիզի, — փարէզը թռչունի թռչքի բարձրութիւնից, — փարիզի Լիւտեցիա կոչուած ժամանակից մինչեւ առաջին յեղափոխութեան ժամանակները, եւ առաջին ժամանակներից մինչեւ եօթանասուն թուականը այժմեան դարու, — փարիզը ինչպէս կենսորոն Եւրոպայի մտաւորական քաղաքական կեանքի:

Եթէ յայտնի առածը ճշմարիտ է Հռովմ քաղաքի մասին, իրր թէ ամեն ճանապարհ առաջնորդումէ դէպի Հռովմ. այժմեան Եւրոպայի նկատմամբ, աւելի ճշմարիտ կլինէր Փարիզին վերագրելը նոյն առածի. կարծես մէկ զարմանալի, մոգական, գրաւիչ և բոլորովին առանձին բան պարունակւումէ Փարիզեան կամ Փարէզ բառերի մէջ, Հիմա էլ, երբոր Փարէզը, ինչպէս Ֆրանսիոյ մայրաքաղաք՝ կորցրել է իւր քաղաքական նշանաւոր մասը, իւր շլացնող փայլը, և իւր ահագին տիրապետող դժը Եւրոպական կեանքի բոլոր մնացած տարրերի վերայ — հէնց այժմ էլ (ինչ ուզեն թող ասեն և գոռան գերմանացիք) Փարէզը այնուամենայնիւ մնումէ ըստ նշանակութեան առաջին քաղաքը Եւրոպայում:

Հատ ծիծաղելի է կարգալ մէկ նոր և ընդարձակ գերմանական համօրէն գիտութեանց ժողովածուի մէջ այն փիլիսոփայական դատողութիւնները, որոնց մէջ ասումէ այդ նշանակութեան առիթով Փարիզի մասին յօդուած կազմող խորամիտ Գերմանացին, «նշանաւոր մասամբ կարելի է Փարիզից խլել աշխարհի մայրաքաղաք կոչուելու անդ-

*) Սղն յօդուածի թարգմանութիւնը յետոյ ստացուեց նաեւ Մայր Աթոռույս ճեմարանի երբեմն աշակերտ Պ. Թադէոս Պալեանից: